

尹光宇贈

中華郵政准掛號立券之報紙

西北彙刊

熱河都統

影片熱河都統宋哲元
 評論修築道路與開發西北
 譯著林業經理須知(續)
 特載薛篤弼治甘行政簡要方針
 政聞錄張督辦積極訓練軍隊之訓令



宋哲元肖像

甘肅創辦大學
 大事記國內大事記 國外大事記
 雜俎詩，詞，歌，格言，雜錄，
 叢談西北風俗談(續)
 原始民族之宗教(續)

中華民國十五年四月廿三日發行

第二卷第十七號

(第三十三期)

(每星期五出版)

●本刊第二卷第十三號要目

影片	大境門外之景况	評論	士風與政治之關係	譯著	林業經理須知(續)	講演	孫中山先生逝世週年紀念會講演詞	特載	週年國恥紀念	政聞錄	西北將領通電撤兵	閻錫山	國民前方將領通電聲討張李	實施義務教育	之積極	國內大事記	國外大事記	詩，詞，歌，	格言，雜錄，	西北風俗談	原始民族之宗教
----	---------	----	----------	----	-----------	----	-----------------	----	--------	-----	----------	-----	--------------	--------	-----	-------	-------	--------	--------	-------	---------

●本刊第二卷第十四號要目

影片	大同古石佛寺	評論	寢兵運動與西北	譯著	森林經理須知(續)	特載	週年國恥紀念	調查	張北測候所二月份觀測之披露	政聞錄	西北將領曾重和平致王士珍電	西北植樹典禮	之鄭重	西北當局願念	國內大事記	國外大事記	詩，詞，歌，	格言，雜錄，	西北風俗談	原始民族之宗教(續)
----	--------	----	---------	----	-----------	----	--------	----	---------------	-----	---------------	--------	-----	--------	-------	-------	--------	--------	-------	------------

●本刊第二卷第十五號要目

影片	督辦張之江	研究	對於西北森林之我見	譯著	森林經理須知(續)	計劃	包頭鎮市區計劃大綱(續)	特載	西北邊防督辦張之江勸民種樹文	政聞錄	西北將領電告馮上將軍出國	張督辦打消辭意	西北將領聲明不任破壞和平之咎	熱河政治刷新之一般	國內大事記	國外大事記	詩，格言，詞	歌，雜錄，	西北風俗談	(續)
----	-------	----	-----------	----	-----------	----	--------------	----	----------------	-----	--------------	---------	----------------	-----------	-------	-------	--------	-------	-------	-----

●本刊第二卷第十六號要目

影片	甘肅督辦李鳴鐘	評論	論與民休息	譯著	林業經理須知(續)	特載	西北邊防督辦張之江勸民植樹文(續)	計劃	甘肅全省修治道路計畫大綱	講演	張督辦植樹節訓詞	政聞錄	張督辦勸告西北軍全體將士	熱河創辦通俗講演所	國內大事記	國外大事記	詩，詞，歌，	格言，碑記，	西北風俗談	(續)	原始民族之宗教(續)
----	---------	----	-------	----	-----------	----	-------------------	----	--------------	----	----------	-----	--------------	-----------	-------	-------	--------	--------	-------	-----	------------

評 論

●修築道路與開發西北

宗 翰

鐵路與道路同爲陸地之交通機關。而道路普及於窮鄉僻壤。可以補鐵路及各種交通機關之所不逮。故在交通上尤關重要。道路不修。則知陳社之將屋。俟旬失蔭。可卜周祚之將衰。何者。道路不良。則實業難以發達。教育難以普及。國家經濟必難充裕。人民生活必難舒展。軍事政治皆不便利。如是爲國。能不殆乎。明者知其然也。爲政首治道路。如日本大正八年。擬以三十年爲期。由國庫支出二億八千餘萬元爲補助修路費。美國自一九一六年至一九二五年一月一日。國會指定補助修路費共美金五百四十兆。分攤各省。而實際支出。竟達五千一百一十兆元。其他強國。莫不皆然。西北政府專力開發西北。對於修築道路。特設路政局。負責進行。意亦如此。請申言之。

農業發達。必賴乎產額多。價格高。而所費又微。欲產額多。價格高。所費又微。則非交通便利不可。蓋增加產額之道。莫如新闢荒地。講求副產。西北荒地甚多。而以交通阻塞。來耕者稀。吾人



固已知之。卽如農業副產，如菜蔬畜乳之類。亦因運費太昂。久不發達。倘如美國有牛乳運輸之專用線。汽車於一定時間。沿道路各停車場。搜集牛乳。分送飲者。農圃亦用此項專線之運輸。而使運費低廉。則副產物必大增加矣。至於價格之高。純視銷路爲轉移。銷路廣。則求者多。而物價自漲。中國西北農產有餘。人民不特不能善價而沽。並不能運出而至燒化之。豈非交通不便之故歟。西北農業之不振。亦由農具肥料等物。不易製備。倘交通便利。運輸迅速。甚或藉一紙書。卽可訂購。則自己可免跋涉之勞。而公司接信。卽將物品託運送來。吾但交價。由郵局寄去。豈不所耗甚微而效用甚巨乎。此發展西北農業所以不可不修道路也。

吾國物產豐富。本可以發展國內工業而有餘。徒以交通阻塞。故國人欲設工廠。首感原料缺乏。至不得不取自外國。縱有能用土產製造者。亦多在江岸海濱。而不達內地。僻壤。以致內地僻壤。物價特貴。何也。因機械之運輸。原料之供給。物品之暢銷。皆有賴於交通。若於交通不便處。開設工廠。則所費成本既重。再增以甚高之運費。物價自非比他處高不可。然因是而貨不暢銷。工廠勢必停閉矣。西北工業之不振。物價之昂貴。原因正在於此。雖然。寒冷之地。宜於工商。歐美列強。可爲先例。西北農隙最長。故人多倡家庭工業以資救濟。然家庭工業耗時太多。

所得無幾。不若有大工廠。而家庭工業爲之附屬。或自行擴大組織。庶幾一舉手投足之勞。而成績百倍於今日。此振興西北工業所以亦不可不修道路也。

無論何國。除都市外。人民散處。遠近不一。欲設小學校以教育兒童。每苦少則有向隅之憾。多則有欸紉之憂。美國有鑒於此。乃酌量裁併各窮鄉僻壤之小學。大約二千餘校中。減少四分之一。卽以此節省之款。於適宜地點。設一規模較大之學校。設備益求完善。教師益求優良。學校有汽車。每日晨夕沿途送迎。兒童雖離校十餘里。仍可入學。此制自可推行於中國西北而無容疑者。然必有汽車道路而後可。故普及西北教育亦不可不先修道路也。

再言國防。道路關係尤大。前次歐洲大戰。德國以暴風疾雨之勢。運用鐵道。輸送軍隊。欲先破法而後攻俄。欺俄國交通不靈。集兵不易也。不幸攻比利時。而停頓彌月。以致計劃失敗。夫比利時兵力不及德國遠甚。而竟能抵抗德軍如此其久者。因有三十丈以上之大道。汽車可以自由通行。故戰地與後方部隊能藉汽車聯絡。砲車輜重等運送。無一不迅速便利也。中國邊患素在西北。環我而居者。今日尤非昔比。憑藉鐵道。朝發可以夕至。吾欲防備萬一。軍事允宜靈敏。此所以鞏固西北邊防亦不可不急修道路也。

至于市政之不可忽視道路。其理更爲顯明。西北路幅雖廣。可以通車。然路基不固。車槽深陷。數馬牽引。行程有限。一遇雨時。速度尤減。故運輸不便。又甚費財。誠無謂也。若路面粗鬆。飛塵蔽日。污屑遍地。穢氣薰天。人之呼吸既惡。傳染病復從而發生。故春秋兩季。死亡特多。縱幸而免於疾疫。他種損失。亦爲不貲。其最著者。如衣服鞋襪之磨損銷耗。各店商品之污垢霉壞。每人每年損失平均約爲五元。倘一城中有百萬人。則損失當爲五百萬元矣。道路影響。不亦大乎。

吾聞人民之日常生活。受影響於道路者。猶不止此。近來美國利用汽車由農圃直接供給菜蔬雞卵於都市中人。其法由生產者於每週之首。開列各種物品之價格及其姓名住址。具表分送各戶。或登報廣告。需要者乃開列所需物品之數。日用書信訂購。生產者接信。卽照配物品。標明價格。附記姓名住址。交託最近之汽車停車場。由汽車於一定時間。向各停車場搜集物品。運往都市分送。至于價金。則另由郵局徵收。轉付於生產者。需要者僅收物付款而已。鄉村人民購商品於都市。亦用此法。是故家政無須專人主持。男女皆可服務于社會。且生產者與需要者。其間有交通機關聯絡。不惟可免販賣者從中漁利。並可防姦商壟斷物價。西北人

民欲達此境界。非道路四通八達時。豈可得乎。

且道路有關於國家財政國民經濟。言之尤爲可驚。據人計算。汽車一輛每日運費約二十五元。貨物馬車一輛每日五元。公衆馬車一輛每日十元。Auto 一輛每日五元。腳踏車每日二元。牛車每日三元。人力車每日五元。日本各種車輛全數使用。一日可得千五百二百萬之運費。一年可得五十五億五千萬之多。此外尙有人肩馬荷所得之運費及各人行路所得之價值。日本貨物收入。不達二億元。而鐵道收入。年約五億元。但較道路運費尙不及十餘分之一。美國前七年間。全國聯省汽車捐之收入。達七百三十兆元。現有汽車一千七百五十萬輛。計投資美金一萬五千兆元。去年美民投資於治車業及橡胎備件之製造業者。達五千兆元。此皆道路所致者也。西北道路功用苟日發達。不亦可以如此乎。

由是觀之。開發西北之有賴于道路也明矣。惟區域太廣。認真修築。其費自當不少。然築路乃所以節運費而保車輛。卽謂修築費自運輸及修理費節省而來。亦無不可。若圖一時費用之節省。而遺他日運送之障礙。以至養路費修車費皆不得不增加。則不如當初少築而求其精良。蓋泥土道改築爲碎石道。則昔日曳米二石之馬。今能曳米七石半。改爲混凝土道。則能曳

十五石二斗。較泥土道多曳七倍有餘。吾國通車輛者皆係土道。近年所築汽車路。亦砂子道。汽車耗汽油一升。尙不能行三哩。若在碎石道。則汽油一升可得八哩。在混凝土道。可行十五哩。爲砂子道之五倍。大抵汽車在普通砂子道。平均速度爲十哩者。在良好混凝土道。則速度可增二倍以上。約爲三十餘哩。他如路幅之廣狹。屈曲之緩急。勻配之大小。（在平地須馬一匹者。勻配五十分之一則須馬二匹。二十五分之一則須馬三匹。七分之一則須馬九匹。以一匹牽引之車而須增至九匹。則運費遞增。影響之大。可想而知。）及前後距離之長短。莫不於速度有關係。運費又隨速度爲伸縮。故道路改良。不獨可以增加運量。并可以增加速度。減少汽油。因而運費可以減少。例如東京市今日之道路狀況。運送哩程一日不過六哩。運費一噸一哩。約爲三角。則貨物總運送費共爲六百三十萬元。若市道改良。則至少一日增加二哩。共行八哩。運費一噸一哩可減至二角二分五厘。總計可減至四百七十二萬五千元。在運送費即可節省百五十七萬五千元。又據專門家計算。完整之路較惡劣之路。車輛耐久力可延長五成以上之年限。例如汽車馬車等。僅能支用一年者。今則可支用一年半。即車輛之修理費亦較少。如東京市汽車二千五百輛。馬車及手車共六千輛。其餘自轉車及人力車等。一年修

理實達三百三十九萬八千元。改良道路後。則車輛磨損之程度薄弱。修理費最少可減至二百二十六萬五千元。然則修路之費雖巨。猶可取償於修路以後。又況修路爲開發西北所必要者乎。

譯 著

●林業經理須知 (續)

覺生節譯

實行之部

第二章 施業案

根據前所已述之豫業及調查。則森林或事業區之施業案。可以編成。施業案之所有事。如豫業同時施行之森林區劃。固不待言。即凡將來施業根源之法則或施業要旨。亦須確定。又必定施業基案。其中以斫伐案爲尤要。其向後十年間或二十年間之採伐額。則據現實的收穫豫定法(平分法)或抽象的應能採伐量之算定法(法正蓄積法)而定之。

第一節 將來施業之一般原則

譯 著

凡森林必須先就其作業種、採伐方法、輪伐期、林分之更新及撫育等。立一定之法則。而後實行之。故施業案至少亦必網羅此等事項。不可遺忘。對於從來之方針。判定其適宜與否。以確立將來施業之方針。爲極要事。若從來之施業。非用正規的施業法。專由施業者之任意者。則施業案尤爲必要。此等施業上重要事項。卽作業種之選定、樹種之選擇、輪伐期並採伐期、採伐順序及林分之更新、撫育等是也。此外如組織地之改良、地力之保護、副產物之有無、產物之銷路、交通運搬之設計及布置（如道路網）所有並境界或其他權利關係之整理（如林役權、入會權）其他負擔之解除、管理、保護、勞働之組織法及其改善。皆不可不加考覈。凡此種種之將來施業法並其結果。欲豫爲明辨。在乎卽森林現在之法律並經濟上之關係。極力研究之。此皆一般森林調查之所有事。而欲確定將來之施業法者。此其構成之根本也。確定將來之施業方針。非施業案編成者所能獨斷。蓋須準諸其森林之施業者及森林監督官廳之意見也。又凡在公有林或大私有林。則森林所有者之意見。自亦不能不參照之。外此如所有之種類。所有之關係。所有者之資力等。皆於施業之實行。有重大關係。故施業方針決定之初。不能不加考慮。

施業方針。有根諸一般國民經濟者。亦有祇以私人經濟之見地定之者。申言之。卽或欲森林資本得最多之利息。或其利息卽或較少。而欲其收入之安全確實者。亦有須考慮其收入之保續者。惟在小私有林。則有全然置之度外者。又因施業之目的及所有者之期望。節約採伐額。使其蓄積豐富者。亦往往有之。蓋自收益上言。則令蓄積增大。非可喜之事。惟有時因審美上或風致、衛生上（保養地之森林）有不能專顧收益之如何者。除此以外。森林之施業法。恒因所有別之如何（國有、公有、財團林、世襲林及無施業拘束之民有林）或要役、承役之有無。森林警察上之制限。森林所有者之地位等關係。而不能一致者也。

第一款 作業種之選定

於作業種之選定有關係者。組織地、現在樹種、向來作業種、森林面積、所有者之資力、銷路關係、權利關係（林役權）及森林法上之規定（保安林或施業制限地）等是也。施業史員並勞動關係。亦不能不留意於集約的施業或必須使用多數勞力者。則尤必於此注意焉。茲所當論者。喬林、矮林、中林之作業法也。在喬林中。有皆伐、前更及擇伐作業之別。喬林作業。以其輪伐期。有多額之材積生產及價格生長。而採集費、造林費較小。可多得收

入。故須多大之林木資本。此投多大之生產資本。即所謂用集約的投資者。因而其資本之利息甚少。雖然此種作業法。於收穫之保續。確實。地力之保存。皆其最宜者也。

矮林作業 能以比較的少量投資得較多之利息。蓋此種作業法。施業法簡單。收穫預定法（用面積平分）容易。更新及撫育上之經費少。對於危險之抵抗力大。皆其所長也。其所短者。則其材木之價格。數量皆小。金錢收入不大。產物銷行不暢。且須較大的採集費。在瘠惡之地。則易惹起地力並林相之惡化。

中林作業 比之喬林。則蓄積資本之利息大（對於比較少的蓄積得比較大的生長）。比之矮林。則所生之用材。能價高而銷售易。為其特點。然其處理法複雜。又比之矮林。則保續作業。其確保甚為困難。故其適用之所。惟限於氣候。土宜均美之地。故中林作業相宜之土地。必也川澤之低地。或溫煖之地帶。而下木之繁茂。不為上木之庇蔭所戕害。否則狹小林地。行集約的施業者。而後相宜。於此等土地。行中林作業。甚有利益者也。即以高價之上木。足使其資本之利息適當也。就中有價闊葉樹如檜。櫟。栓。槭等。用此作業法。雖不用甚高之輪伐期。尚得生產大材。而在此施業法。下木之劣等材種。可供燃料。其中一部分。若可以為小用材。有良好之

銷場。則收益增高。

矮林作業。由於實生。必其已有之樹種。比新作成尤適於由萌芽更新者。始行採用。又其材以爲燃料或農用材。有良好之銷路。或宜爲小工藝材。且收益絕佳者。或土宜、氣候等不宜於中林之上木發育者。亦宜行之。以其用少數之資本。得畧佳之收穫。故凡無大資力之小林業者。極喜用此。又凡欲供給住民木材需要之鄉鎮林亦宜之。然在大森林所有者。則以爲銷場所限制。恒不能行之於大面積地。惟能於河川貫注之平地等。特宜於此作業種之土地行之。大森林所有者。宜用喬林作業。其樹種大半爲不適於萌芽之針葉樹。蓋在大森林。其生產非僅供地方之需要。更可輸出遠地也。喬林作業之種類中最簡單者。爲皆伐林。其採伐規則及設備極易。能依嚴正採伐順序。運木容易。經費最少。採伐跡地又可利用爲農業間作。樹種變更不難。但以人工栽植。需費特鉅。故爲生產資本特大者。又採伐面積過大時。土地惡化。妨害稚木生長。招致收利之缺陷。輪伐期大者。須多額之造林費。比之其他作業法。則老齡林木之收利率益少。

前更林 前更林於老林木盡伐之前。有令其更新確實之利益。又常能庇護林地。可使後生

樹得適宜之保護。又更新級之老幼樹。皆能生長。故比受光生長能得長大用材。不過此作業法。不僅管理者之能力知識。須特別優長。且使木材之採集運搬。多感困難。而爲費頗鉅耳。故關於皆伐作業及前更作業之選擇。於前述之利益不利益。須十分考慮。於土地保護並其樹種幼時之須保護否。尤須考查。且被疎伐之林分。其風害運搬關係。亦必考察。若次等狀態皆無妨碍。則當以天然更新（即前更作業）爲得策。此時之前更作業。用傘伐作業。其一部行人工補植者也。勞工缺乏時。則大面積之造林。以用天然更新爲便。運搬困難。或幼時不宜過密之樹種。如松。唐松等。則不能不用皆伐作業。高山險峻之山腹。滾木運搬者。（此因無適當的運搬裝置）或當必用夏期採伐時。用此恐損保殘木或稚木。自以皆伐作業爲良。然如此之皆伐。止施之於狹帶狀。於同一採伐列區。則當隔數年。先已採伐之跡地。其更新業已健全。乃再施之。皆伐作業。比擇伐作業。不獨伐木運搬上。規律正合。且能養成無枝節的完滿一齊林木。故能生產需要多而有價之木材。然一齊林佔廣大面積時。則多被天然之害並蟲害。且皆伐作業。適當經營。須較大面積。故爲大森林所有者所宜採用。

擇伐林 對於暴風其他危害。有抵抗力者。爲擇伐林。凡適宜於天然更新之所。或不負放牧

及落葉採收權之場所。不變森林之現狀而維持之處。又須發揮森林之保安作用者。不用多額之蓄積而生產大材者。皆宜用之。

擇伐作業。能行之小面積。適宜於小森林所有者。生產自用材料或器具材等。然有次舉之不利。即材積收穫少。因之金錢收穫不多。且欲實行劃一的規則嚴正的收穫預定法。甚爲困難。其施業常就全林地慎重考慮。對各林木。必大加注意。非令道路網完全輻輳。有慎重的採伐設計。則伐木困難。運搬費多。損害保殘木。

故用擇伐作業者。概係前述之利益特大者。即私有林、鎮鄉林、小森林所有者。以其森林充自己之需要。或其森林之目的。在乎收益以外。故欲增大其抵抗力。用力於現狀之維持。如禁伐林、保護林、或植物帶之上部、岩石地、氣候荒涼之土地、公園林、獸園林等是也。歐洲適於擇伐林者。樅、掬爲最。唐檜、松及檜次之。

特種作業法。如受光作業、保殘作業、二段喬林作業等。乃前述作業法之混合。或表其過渡狀態者也。此其目的。在乎增高森林之收益。如在少額蓄積資本之下。生產有價的用材者是。然此等作業法。欲收良好結果。在乎適用之於良地。受光作業。如施之於皆伐作業之輪伐期已

近者。則令其前收入增多。促其保殘林木之肥大生長。比之至伐期不行疎伐之林木。能大著其生長率。至採集副產物之作業法。例如採脂作業、落葉採取作業、間作農業、頭木或截枝作業等。在森林經理上。非有重要位置。

選定作業法。當先考向來施業法之成績。以能沿用向來之作業法爲美。若向來之施業法不適當。或其成績不良。則必考查土宜、銷路其他權利或經濟上之關係。選定適宜之作業法。以此爲原則。一般的變移於集約而緻密的作業法。以增大其純收入。而計其適當的收益。然資本過多。超越其施業所必要之程度。務必避之。且不可不期勞動並技術之集約。林業較利之計算。雖不失爲解決作業種選定之關鍵。然從來無經驗的作業種之較利計算。通有不實之弊者也。由少數資本之作業種。變更爲更大的林木蓄積之作業法（由矮林進爲喬林）時。其所有者家用木材或爲其生活資料之森林收入。一時斷絕。此爲將來收利更多之代價。不能不忍耐者也。反此。由矮林作業變爲中林。則望百年後之收利。故最近將來之收利。犧牲不大。但此必其組織地能適合中林。作業者而後可。

總之其作業種變爲與從來之施業法全異者。必審查其利害得失。蓋以其引起斫伐、造林並

收穫之變化或經濟上之犧牲等。施業上之困難。且新作業法之結果。充分確實的判定。亦殊困難也。作業法已確定其必須變更者。其實行也。亦不可過於急進。須於慎重注意之下。逐次漸進。關於作業種之變更。當於施業案之編製詳述之。

森林之分割。與設定施業上之作業級。必先於森林各部。查定適宜的作業法。而根本相異之作業法。則矮林、中林、擇伐林及皆伐林作業是也。喬林作業之各種分類。可臨機應變適用之。或以特殊小面積爲必要。或在天然下種或孔狀採伐。以更新爲必要者。則就各林分或森林之部分。先確定之。甚爲困難。故分割施業爲小面積。作多數作業級。是拘束施業者也。故由森林分局部的差異。選定適當的作業級。此須委之施業實行者也。例如可行中林作業之土地。然某局部因土壤淺薄。雖不由矮林作業而加造上木。然亦不分之爲特種作業級是也。又選定作業種或造成作業級。必觀其組織地之狀態。例如汎濫區域。本來爲喬林作業地。然植闊葉樹而爲矮林作業。如有大面積時。則以之爲一作業級。

(未完)

特 載

●薛篤弼治甘行政簡要方針

叙 言

語曰。行遠必自邇。登高必自卑。爲政之道。尤貴於大處着眼。小處着手。所謂先之以因勢利導之功。然後能收整齊劃一之效也。本省長從政南北。久歷歲時。雖疏庸自愧。無補時艱。然耿耿此心。惟知本我固有之天良。以盡心民事爲職志。歷官所至。惟恐不及。此次奉命長甘。入境之初。卽就民生疾苦。時政得失。躬親撫循。詳細考求。因念施政之端。雖有萬殊。而要其指歸。務在同民好惡。實惠及民。用是不敢侈談主義。高榜學說。謹本平民政治之精神。先立進行庶政之綱領。明定方針。務求平易。設施不妨稍緩。除弊務宜從嚴。雖云條分目舉。事有多端。然政貴力行。凡我僚友。但能恪盡職責。全力以赴。自可逐序施行。立收效果。凡百設施。此爲初軼。容當據以計劃將來也。各縣知事。責重親民。一切政令。無不由其實施。各廳各道。職責所在。固以督責各縣知事進行庶政者爲多。然政令得失。非洞悉民隱。莫知糾正。是故察吏而外。並貴親民。所有此次規定應辦各事。必須各就職掌。責飭各縣知事。切實遵辦。逐項考察。總期共相策勵。一矯官場粉飾敷衍。因循搪塞之積習。勿以事小而輕忽。勿以積久而懈怠。本省長將以奉行之。

如何。爲考績之殿最。願我同人共相勗勉也。

◎治甘行政簡要方針

(一)漢回蒙番各族一體待遇。尊重真正民意。以爲施政主旨。

五族共和立國之本。甘肅漢回蒙番各族同屬國民。均應一體待遇。一本平民政治之精神。以爲設施民政之指歸。各廳各道各縣知事。均應遵照實力奉行。無論課稅催糧勸學敷教。以及審理訴訟等事。對於各族人民。胥應一視同仁。不得稍分畛域。道尹有察吏之責。知事爲親民之官。尤應各本職司。時常接近人民。訪聞疾苦。或考察政令之利病。或啓迪民智以講演。務在痛革官民隔閡之積習。打破官尊民卑之謬見。以期剔除胥役之欺朦。而收惠及人民之實效。

(二)整躬率屬。痛革積習。以期激發天良。恪盡職責。

平治之道。始於正心修身。而治人必先律己。整躬方能率屬。古訓昭垂。可爲殷鑒。凡我同寅僚友。務宜將舊日官場坐轎跪拜餽遺徵逐之積習。以及大人老爺之稱謂。種種有背國體。廢事耗時之無味排場。概行禁革。律己之道。悉遵本省長就職時敬告同僚之條款。(原文

詳後。)率屬之道。尤貴本身作則。其有夙染鴉片嗜好。尙未完全戒絕者。統限於此次頒布命令之後一個月內。一律禁斷。絲毫不准沾染。逾此期限。如經訪聞。或觀測疑似。以及經人告發者。卽予調驗。驗明屬實。從重懲處。永不叙用。省內外廳道及各縣局所屬職員警役。以及辦理地方公事之紳董。亦均一體凜遵。勿貽伊戚。各廳各道。務必各就職責所在。破除情面。嚴行考查。各縣局成績之殿最。隨時呈報。以憑考核。各縣知事。尤應本親民之職責。將全縣應行興革之庶政。盡力舉行。期臻上理。

(三)整頓書差。革除衙署稅局各種積弊及陋規。嚴禁威嚇拖累以及勒索商民諸弊端。

(甲)縣署房書差役之弊。到處爲然。各縣知事。應先就應辦事務。必須之人數。規定書差名額。額外散役。概予革退。免其藉端爲害於鄉里。俾得另謀事業以生活。所留書差之薪工各費。無論由縣署經費開支。或自行籌款彌補。均應核實規定確數。分別給發。專案呈明財政廳及本公署。俾書差足以自贍。以便禁其需索舞弊。尤當注意者。各縣差役。因傳案催糧。向人民索取飲食之費。雖云違法。情尙可原。若任聽差役吸食鴉片。勢必飲食之外。加以煙資。重重誅求。爲害逾烈。是故於禁止差役勒索之先。必須限期迫令戒絕鴉片。此事並經專案

通行。務各遵辦具報。並於縣署適用房屋。定爲公共辦公處所。糧冊檔卷。均應登冊彙存。勿任書差把持。椽屬辦。公親加考核。種種弊端。自易防範。差役催糧傳案之川資火食。應予明白規定數目。催糧則酌量地方情形。妥爲規定。呈候財政廳核定。送達判書。或票傳人証。卽實行部定收費章程。於書票上計程遠近。明白規定。如再額外需索分文。卽予嚴行法辦。關於民刑訴訟案件。所有從前交差帶交班房管押以及堂規利息等等積習及陋規。均應革除。已設看守所者。力加整頓。未設看守所者。趕速籌設。責成管獄員專管。或看守所長負責。所有差書藉案威嚇商民。私押拖累。以及勒索賄賂諸積弊。一律禁革。

(乙) 各道各縣以及司法公署舊有各項陋規。相沿既久。因實領經費。不敷用人辦事之需。藉資彌補者。所在難免。本省長不准官吏貪婪以病民。亦不能任聽政費支絀而廢事。於整理財政規定各機關應需經費以前。各縣知事。應將本縣彌補政費之各項規費。無分鉅細。尅期逐項開單呈報。卽糶糧捏報之數。以及各縣對於上級官署每年應納之陋規。亦均據實開列。不准絲毫含混。亦不准稍有漏列。一俟呈復到日。本省長分別核定。化私爲公。以及應行因革各辦法。以期取給於商民之欸目。定有實數。呈經核定之額數而外。不再浮收。如

果查有呈報不實。及核定款日後額外浮收者。卽以贓私論罪。決不寬貸。至於各項稅局。則應恪守財政廳呈准之經徵官獎懲補充條例。力顧比額。以邀正當之獎勵。勿貽違章之懲罰。

(丙)各縣公署。及司法公署辦理民刑訴訟案件。務宜迅速。狀到卽傳。傳到卽訊。人證訊明。卽予判決。必使差書無舞弊之機會。人民始免拖累之痛苦。各徵收局。或收稅款。或驗稅票。均應嚴飭司巡。力求迅速。定章以外。浮收分文。卽屬贓賄。應辦手續。故爲稽延。卽屬病商。各縣知事各稅局長。尤應身體力行。嚴加考察。

(四)用人須一秉大公。慎選賢能。奉行功令。不得玩視稽延。致滋貽誤。用人行政。得失相關。爲政貴有治法。尤貴有治人。各廳道縣局。各有職掌。事務繁賾。辟置椽屬。遴選佐理。均應審慎將事。一秉大公。破除瞻徇敷衍之習。務求端方公正之士。對於書差司巡之品行操守。尤應時時考核。勿稍大意。用人必先得當。政務乃能舉行。而玩視功令。任意延革。以及空文敷衍。捏詞搪塞。種種弊病。尤應一律改革。本署頒布功令。亦均計算郵程。考核事實。寬定限期。俾便實行。以期內外靈通。事無延滯。

(五)整理警察保衛團及商團肅清。地方盜匪使人民安居樂業。

警務處各道尹。應督飭各縣知事。將縣城警察認真整頓。對於維持公共安寧預防盜匪等重要職務。必須切實奉行。尤須酌量原有警款。將警械服裝消防等項。認真整頓。勤加訓練。原有商團之城鎮。均應力加整頓。未立商團之城鎮。亦應酌量當地情形。由縣知事商同商會。分別舉辦。各縣保衛團已成立者。由各縣知事詳加考查。竭力整頓。如有藉名招搖欺壓平民情形。應予嚴加禁革。未經成立縣分。亦應酌量地方情形。由縣知事遴選當地公正紳董。妥爲舉辦。一應服裝旗幟編制訓練辦法。均應遵照部定條例辦理。以期劃一。警察保衛團商團。既經分別整頓。各道尹各縣知事。應即嚴加督飭。對於緝捕盜匪預防危害各事。認真辦理。務期間閭安居。人民樂業。

(六)整頓教育。並厲行平民教育。啓迪民智。以期革除弊俗。改良社會。

學校教育。應加整頓。學制所定。當然竭力進行。而社會教育。最貴普及。不必盡待教育機關及學校辦理。本省長就經驗所得。凡屬官廳局所公共機關。以及各商公會祠堂廟宇會館。一律附設平民學校。利用原有之房屋。及節省之糜費。由本部分之職員担任教授。提倡舉

辦。費省效速。實爲普及平民教育扼要之圖。本省各廳道縣局以及公共機關。均應仿照辦理。其有已經籌設義務學校。或定名貧兒貧民學校者。均應一律改爲平民學校。招收平民。教以世界書局編訂之平民千字課。每日三二時。男女雖須分班。年齡不必限制。城鎮村堡之學校。均應附設平民學校。利用原校講堂用具。卽由原校教員兼任講授。尤爲輕而易舉。於推行平教計劃頒定以前。先本此旨創辦。各廳道縣局以及公共機關首領。尤應時時接近人民。爲之講演。或宣布職司應辦之政令。或考求民間痼蔽之積習。詳爲譬解。曲加誘導。各縣知事。並應協同城鎮各級學校之管教員。組織通俗講演團。以及簡易書報社。或糾合當地熱心紳董。或遴選在校高級學生。於每星期日。在當地廟宇公所等公共地方。或市場繁盛之區。輪流講演。特別注重革除當地民間一切弊俗。例如吸鴉片、賭博、纏足、蓄髮辮。以及早婚、溺女、游手好閑等事。均應剴切勸導。務期於嚴令禁革之前。潛收逐漸改良之效。

(七) 整理市政。籌辦村政。並修理道路以利交通。

警務處各道尹。應督飭各縣知事。先將城鎮市政。擇要舉辦。例如令飭商民挨家比戶。各自修理門前道路。勤加洒掃。銜接整齊。添設路燈公廁。注重公共衛生。規定粘貼布告及商家

廣告處所等事。均應次第進行。各縣知事。應選任各村各堡之公正紳董。辦理本村本堡一切公事。不得縱令地痞劣紳。任意把持。朦蔽爲惡。於縣鄉自治制度尙未實行之前。各縣應就歷來習慣。將各村各堡辦公紳董名稱。暨統轄權限。明白規定。呈報本署及自治籌備處核辦。其各村道路。亦應擇其通行大道。責令各村堡之紳董。剴切勸令人民。於農閒時。分別修整。以利交通。其有臨路坑坎。暨崖畔小道。均應加築土埧攔阻。以防危險。

(八)振興實業。注重水利。植棉種樹。以厚民生。

本省爲特產毛皮艸物之區。惟是大規模之企業。未能遽觀成效。而實益民生者。仍在適宜之農業及家庭工藝。實業廳各道尹。應督飭各縣知事。各就本縣土質所宜。勸諭農民。種植美棉。落花生。紅薯。芝麻。並改良手工紡紗。提倡人民仿造新式木機。學習織布。或編織各種毛織物。一方培植物產。一方提倡工藝。而各機關各學校以及地方公團法團。應用物品。尤須儘先購買土貨。土貨缺乏。再購外省製造之國貨。但可取資應用。卽當力爲提倡。促進國貨改良。維持地方富力。實爲切要之圖也。至於渠工水利。尤關重要。縣境有渠之各縣。知事應特別注意整頓渠務。積弊病民者。務宜詳查禁革。水利應興者。尤須妥籌舉辦。並各考察

轄境之水土氣候所宜。竭力提倡人民種樹。或限定每村每堡。於明年植樹節前。各植樹若干株。或統計本縣共能種樹株數及勸種辦法。先期專案呈報本署及實業廳。各縣知事。務用全力施行。期收實效。

政聞錄

●張督辦積極訓練軍隊之訓令

▲須注重教育管理之訓練

▲尤須注重主義之訓練

西北邊防督辦張之江。以現在時局雖然不定。而軍隊訓練。不可稍懈。昨特發出訓令。飭所部軍隊對於教育管理兩項。須特別注意。而於主義之訓練。尤爲諄囑。誠得治軍之本也。茲將原文錄左。

爲令遵事。照得治軍之道。無論平時戰時。皆須於教育管理兩項。極端注重。現雖時局不定。軍務倥傯。仍須於此兩項努力辦理。須設法騰出時間。積極訓練。凡屬一切戰鬪。士應有之動作。

應講之智識及技術。皆須由各該高級長官詳爲計畫。分別督飭實行。多一日卽有一日之進步。多一件卽有一件之益處。一旦有事。不致無以應敵。又現當戰時之際。敵人佈散謠言。分遣間諜。百般誘惑。對於主義之訓練。及管理二字。尤須格外講求。凡一切閒雜人等。不准其靠近營房。與兵士往來。以免發生他項事端。是爲至要。合行令仰各該師旅長轉飭所屬一體分別遵照。切切此令。

●甘省創辦大學

▲定名甘肅大學

▲就法專擴充暫招採冶紡織預科兩班

甘省遠居邊陲。教育向不發達。自劉總指揮薛省長蒞任後。積極提倡普及與提高。雙管齊下。幾有一日千里之勢。普及方面。如推行義務教育。提倡平民教育（各機關各學校均附設平民學校）是。提高方面。如創辦五族學院。及甘肅大學。是。五族學院已成立數月。甘肅大學爲最近由法專擴充而成。亦已組織就緒。誠以國之興衰。專賴人才。大學卽爲造就人才之最高學府。且西北地面遼闊。種族複雜。交通阻塞。文化低下。而此最高學府之成立。尤爲當務之急。

也。茲將該大學籌備委員會討論進行結果。分述如左。

一組織。此大學爲省立。校長由省長委任。總轄全校事務。校長下設教務長總務長各一人。襄助校務。暫設專門部大學預科。各設主任一人。專司其事。原有法專政治經濟兩班。改爲法科專門部。仍照舊制四年畢業。大學用學分制及四二制。參照廣東中州北洋北京各大學組織大綱。酌設註冊部。齋務部。圖書部。及評議會。評議會爲議決全校進行事宜之總機關。甚至延聘教授及任用職員亦須得該會之同意。此大學有委員制之性質。校長一人不得專權。亦無政治嗅味。將來成立。西北學界必可大放光明。不止甘肅一省已也。

二經費。法專原有經費約三萬六千元。本省陋規。按六九五折。成七一蘭平票洋。實支現洋不及三萬元。現將捲烟特稅年約二十萬元。劃歸教育經費。不得移作別用。故大學經費獨立充足。至圖書儀器需款過多。擬請馮將軍張督辦及甘省各鎮道縣捐助。若能辦到。則大學圖書儀器之添設。更可漸臻完備矣。

三校址。法專係前清舉院舊址。房屋寬大。除現有兩班學生外。尙可容納一百五十人。四鄰既係公產。將來大學增加科目。添建宿舍講堂。足可容千人以上。

四招生。本省天產豐富。不知利用。歷年以來。多歸外人操縱。以致各項事業不克發展。人民生活日益窮困。故大學特重工科。先招採冶、紡織、預科兩班。一適二十名。招生廣告已遍貼通衢矣。

大事記

●國內大事記

嶺岩

四月十日●鹿鍾麟等促段下野後之蒸電○鹿鍾麟等於促段下野後。聯名發出通電。略謂段祺瑞因緣時會。入主中樞。解散議會。顛覆國本。政出專斷。海內寒心。於是安福黨羽。逢奸長惡。爲所欲爲。舉躬所反對。全國痛恨之金佛郎案。曾不崇朝。遂行定約。喪權辱國。出爾反爾。先後若兩人。三月十八日莘莘學子。前往請願。純係愛國血誠。迺竟開槍轟擊。慘斃多命。較之五卅滬案。傷害尤多。殘忍性成。是非顛倒。揆諸情理。覆載難容……近以目擊措施。日

益乖謬。若復緘口袖手。任其毀敗。外無以對國民。內無以安方寸。用是萃集將領。共同討論。僉以爲法統不復。無以樹立國之基。障礙不除。無以開和平之路。趨向不明。無以圖進步之良。宗旨既定。責任難委。謹於四月九日保護曹公恢復自由。所有禍國分子。已分別監視。靜待公決……庶幾宗旨得以貫徹。志願得以遂酬。等語。●段祺瑞仍未甘休。○段祺瑞倉皇逃入東交民巷後。即召集左右策士會議。僉以時局轉瞬萬變。暫時受迫。不能遽認爲失敗。應繼續奮鬥。以期最後勝利。故對於辭職一節。極端反對。但既不辭職。對外應有所聲明。遂擬就電文兩道。概用國務院名義拍發。

十一日●國民軍將領電請吳孫閣主持大政○國民軍將領鹿鍾麟何遂方振武等致電吳佩孚孫傳芳閣錫山等報告段祺瑞逃入東交民巷京師治安極爲安謐請各方主持一切該電略云查此次促段下野實因順全國之輿情平各方之公憤原冀實行監視聽候解決不意敵軍改編衛隊之消息傳出段已事前風聞避入使館界內現在京師治安業由軍警負責維持秩序如常至於建國大計諸公素抱偉略當能主持一切敬祈隨時見教俾有遵循無任感禱等語●南滿路局堅持吉敦鐵路合同有效○交通部前致函南滿株式社會主張取消吉敦鐵路承造合同後該社頃覆函來京表示否認原函如下准函開吉敦鐵路承造合成尙不能成立等因敵社根據前次覆函之理由碍難承認現奉敵社長電命囑爲函覆即希鑒查

十二日●田維勤來京○聯軍第一路總司令田維勤氏奉吳佩孚命來京下車後即馳往警衛司令部訪鹿鍾麟並

晉謁曹錕但即晚又專車出京云●奉軍飛機又在京師擲炸彈○奉軍飛機四架由西飛至京師紛擲炸彈三十餘枚死傷約三十餘人誠可謂慘無人道矣

十三日●日本在東三省秘密大買土地○日本以國內人口日增吞併朝鮮移殖滿蒙惟以商租問題迄未解決但嗣後與奉天張作霖聯絡由南滿路與東洋殖會社秘密收買土地據日人方面調查共計收買有一百四十萬畝一百六十八華畝之多望國人速起急謀根本挽救之法●滬商會對外宣言○滬商會因共租界西人納稅會將明年會特發出對外宣言中分三點(1)祛除政治社會種族不平等政策(2)中外人於滬市政權完全平等(3)無條件的即交還公廨至其他各問題亦當根據公平原則以求解決云

十四日●東省日工廠罷工者十五處○日僑在東三省所經營之各工廠華工因受戰事影響奉票大跌物價飛漲

生活異常困難。日來罷工要求加薪者。達十五廠之多云。

●王士珍等電奉軍讓出緩衝地○王士珍趙爾巽孫寶琦熊希齡王芝祥等接張作霖文電。有彼軍如退出北京。敵軍即不進攻等語。而西北軍當局。爲貫徹和平宗旨。不忍京師糜爛。亦表示如奉軍停戰。由第三者入京駐紮。雖退出北京。亦所不惜。因此特電奉方。請先行停戰。讓出緩衝地。由第三者軍隊駐紮其中。俾西北軍易於撤退。如奉方果有誠意。近畿戰事。或可停息。

十五日●國軍自動退出北京○國一軍因貫徹和平宗旨。並尊重王士珍等和平主張。特於本日下午三時。由鹿總司令。鍾麟在警衛司令部召集各重要軍官會議。結果決定由鹿氏於本日下午八時統率所部自動由北京開始撤退。當夜安抵南口駐防云。●北京治安問題○國軍自動退出北京前。對於治安問題。謀慮周密。除託王士珍趙爾巽王寵惠等所組織之北京治安維持會負責維持外。

並商田維勤令速派隊接防。恐田維勤各軍不足分佈。特將唐之道所部各隊暫時留駐北京云。

十六日●王士珍等再電各軍將帥○王士珍等自國軍自動退出北京後。再電各軍將帥。略謂國軍現尊重和平。退出京畿。既無自招忌於人。此後戰事之目標已失。應請顧念大局。捐除私見。釋嫌言和。共籌善後云。

●國外大事記

四月十日●北極探險家阿姆遜乘飛機出發○阿姆遜駕諾吉號飛機赴北極探險。本日由羅馬出發。取道杜龍、普爾漢、及斯波波根等處。其目的在達到北極圈。並希望於北極區域內發現新陸地云。●希臘帝制派革命失敗○希臘帝制派在薩倫尼加起事。因軍火不足。已被現政府軍隊擊敗。四竄潰逃。並被生擒者甚衆云。

十一日●耶路撒冷全城對法罷工示威○耶路撒冷地方之阿刺伯各界民族。當法國委員抵城後。一律宣布罷工。

表示反對法國之敘利亞政策云。○日本頒布反暴力條例。○日本政府爲防抑各反動派暴力運動起見。業已頒布反暴力條例。自四月二十起實行。違者輕則罰金百元至五百元。重者禁錮半年至一年云。

十二日●希臘新總統潘格洛斯當選。○希臘二十三區選舉總統票數報告。以潘格洛斯票數最多。該氏被選總統。業已當選云。●法國籌辦自由愛國捐。○法政府籌辦自由愛國捐。以便償還外債。並組織國民宣傳會。以利進行。該會與任何政治黨籍無關。所有收入。專爲償還戰時債務云。

十三日○美衆院通過擴充航空案。○美國衆議院投票通過美國航空案。規定於此後五年內。建造新飛機二千二百架。及桑都那式飛機兩隻云。○第二職工國際不與第三國際聯合。○第二職工國際執行委員在瑞士開會。以二四七票對七票。否決英國勞工黨之提議。不願與第三

職工國際開會磋商合組一聯合職工國際云。

十四日●日本內外債狀況。○日本大藏省公布云。去歲會計年度註冊之公債。共計日金四九九，〇〇〇，〇〇〇元。此項數內有內債三五九，〇〇〇，〇〇〇元。其餘悉爲外債。較前年數目。計內債增加一六三，〇〇〇，〇〇〇元。而外債則減少二七，〇〇〇，〇〇〇元云。

十五日●日政友本黨之新定政策。○日本政友本黨。現決定新政策之政綱六項。(1)經濟之更新。(2)教育制度之根本改造。(3)社會政策。(4)移民政策。(5)農漁村之振興等。又因各項皆有調查之必要。已在政務調查會設立各該委員云。

十六日●全世界回民大會將開幕。○全世界回民大會。將於五月十三日在埃及開義羅大學舉行。討論解決回各族各問題。及磋商互助辦法與保護本族之權利。摩洛哥獨

立軍領袖克里木將軍。摩洛哥阿富汗波斯國王及其他

回族領袖將親身出席云。

雜俎

●詩

兵來行

田名瑜

兵來兵來。上山殺賊。曰上山殺賊。酣眠民室。一解飲酒飲酒。膾羊炙牛。醉飽滔滔。索金攫物。口勿出。刀在頭。二解東匪燒村。西匪捉人。匪畜毒蛇。囊盤人身。囊人中。曰不願生為官之循士。而乞死為匪之小民。三解官昨招匪去。隊隊相跳嬉。不據官勢暴如斯。今據官勢暴可知。上官視之不敢答。更將甘言卑舐之。四解哀今之民。虐不遑悼。夢夢奈何。嗟天之老。五解

約真中秋望月有作見寄依韵和之

又斐

四馬開關萬里天。每逢佳節倍悽然。側聞嘉定三屠劫。祇勝洛陽二頃田。(張敬堯曠張宗昌屠醴燒屋數千家殺萬餘人予家財產屋宇盡遭焚掠)世亂有人勞問訊。故鄉何日話團圓。滿腔秋思渾無著。倦倚欄干月滿前。

●詞

浣溪沙

鄭叔瀛

社鼓聲聲起素秋。山村翻作冶春遊。鏡鸞開處玉波流。生面那知原熟面。舊愁未了又新愁。綢繆還是昔年不。

歌

勸言

辭篤弼

勸同胞。聽我說。莫吸煙。莫賭博。莫嗜酒。莫惹禍。嫖娼妓。是首惡。戒奢侈。守儉約。福勞苦。莫懶惰。種樹木。利益多。學工藝。免凍餓。要識字。上衣課。要愛國。用國貨。聽演說。心胸闊。看書報。見聞博。有子女。快上學。男剪髮。女紮脚。有父母。孝順着。有兄弟。莫口角。和鄰里。恤老弱。對待人。莫刻薄。說話時。要謙和。慈善事。莫推托。昧心事。不可作。要忍讓。勿爭奪。莫好訟。誤生活。猛回頭。力改過。安本分。真快樂。聽忠言。是良藥。願同胞。莫忘却。

格言

不愧屋漏為無忝。存心養性惟匪懈。張載西銘

在璞之玉。匪剖弗見。在鑛之金。匪鍊弗純。在蘊之性。匪修弗顯。觀序單照大乘止觀序

雜錄

禽獸世界

尹血兒

(45) 殉難之象

錫蘭 *Baylon* 之色補拉 *Lahnapura* 有巨紳名哥把單壁者 *Hobawdani* 回教之名。亦錫蘭全島之大慈善家也。其家

所蓄之象。不下數百餘頭。有象奴名伴那者。日必一飲。每飲必醉。數十年來嗜酒成癖。哥屢誡之。不一聽也。伴那嘗放象至郊外。乘無人在。狂飲不已。一象見之。百般阻擾。伴那怒其無禮。雖重鞭之。象竟不肯退縮。最後伴那表示輟飲。象遂泰順如常。不敢再忤。亦云奇矣。一日伴那大醉。行於岩嶺。不幸失足。竟往泉下。度其後世生活。不肯復返。亦若「此間樂不思蜀」者。其象見之。悲痛萬分。負其至家。一撞而死。哥氏葬其墳於義地。立石碑二。叙其主僕致死之由。以爲勸世之資料。（旅印雜談）

尹血兒曰。古以橄欖之味。先苦後甜。命其名曰諫果。實足以發吾人之猛省也。世固有因拒人之忠告。而致大失敗者。古往今來。不勝列舉。僅如伴那之喪身害命。（格言）象之忠信不亞於人（錫蘭）

（46）虎敬孝子

徐一鵬。字季翔。鄞人性至孝。家貧。授徒海濱。一夕感異夢。及覺。語主人曰。吾父殆有恙。急馳歸。夜過一嶺。遇虎於道。季翔視曰。吾爲父病馳歸。卽鬪虎牙。吾何怖焉。虎曳尾而去。歸至家。父病果償。聞季翔至。忽甦曰。兒歸時。得毋道遇虎乎。予頃被攝至陰司。見緋衣者曰。爾數已絕。上帝因爾子純孝。特延爾壽一紀。且免爾子於虎厄。季翔至館。述此以訓其徒。人皆感異。咸篤孝思。（福建重刊孝經註）

尹血兒曰。吾教經云。「廣行慈善之人。可以却病免災。可以延年益壽。其甚焉者。更可生死人而肉白骨。小而護佑一家。大而澤及社會。」苟能人人如是。則余此書。可以擱筆而不著矣。（格言）好虎不食好人（所羅門王）（未完）

叢談

●西北風俗談

綏遠歸綏縣風俗報告

- (一)婚嫁年齡、禮節。男子結婚年齡多半十六歲至二十歲。女子結婚年齡十五至十八歲為多。至於禮節分定婚、成婚兩種。在定婚時。男家必須交女家財禮大洋一百元至二三百元不等。並須交女子衣裳四身（單、袂、棉、皮、綢、緞、居多）。金或銀鐲一對。金或銀戒指一對或兩對。並由男家置備茶餅二十四個（白麪赤糖、山油所烙、大尺許）大饅首二十四個。方交換龍鳳婚帖（係舊式）及結婚時。仍由男家於前一月備辦大洋二十四元或四十八元。携帶通信帖。到女家下茶。俗名對月茶。至結婚日。由男家備具彩轎。鼓手吹打。赴女家迎親。迎回。先拜天地。後拜親朋。（均用舊俗叩頭）女家如家資頗豐。亦有酌送粧奩者。
- (二)生子。婦女產下嬰孩以後。先喚其親母侍候。不滿一月不能出門。在此一月之內。所吃食物。小米熬湯。務必清淡。若稠了。恐怕血迷（因此症死亡者甚多）及滿一月。各親朋携帶面圈（俗名耐圍圖）金錢或銀錢。金鎖或銀鎖等禮物。前來賀喜（俗名過滿月。至滿百日。各親朋仍來賀一次（俗名過百歲）禮物祇携帶面圈。
- (三)喪事、禮節、喪費、祭祀。喪事禮節。於出殯前一日。各親朋携帶大饅首十二個。或饅饅及紙張來吊。如係最近親戚。

並備猪羊才祭。其儀最厚。朋友並贈綢帳一壇。乃出殯。日各親朋地長幼持葷素。各往送。所需禮費。普通約大洋二三百元。至於祭祀。分祭神。祭鬼兩種。祭神法。宰羊一隻。并蒸饅首若干。再用香紙炮若干。然後開祭。祭鬼法。祇用燒紙點心即可。

(四)年節。臘月三十日。各家一律置大炭一堆。趕晚十二時後燒着。然後接神。炮更連天。烘亂一夜。先由家長向神龕叩頭。後再由晚輩向長輩叩頭。當晚合家共食水餃。(俗名吃元寶湯)及至次日。各家晚輩向各家長輩互相拜年。在此一月內。無論男女老少。均係坐穿坐食。快樂過年。(未完)

●原始民族之宗教

(續)

廷璋譯

(十三)偶像——鑄造偶像。雖為進步。而與拜物教仍有關係。偶像乃人故意雕塑一物以肖神者。昔日神居於泉石草木之中。今則居於人所自造之物中。而可隨時奉之同行矣。

(十四)社會組織——社會組織無不影響於神之概念。地為膏腴之母。故人視為女性。雨神能使地生產。雷電有如戰士。矛矢。故人視為男性。男神與女神孰為神族之王。則視人類社會之組織而定。母系社會女神最大。父系社會男神最大。

(十五)環境——環境與經濟狀況亦有影響於神之概念。例如亞刺伯地方。荒瘠不毛。生存競爭甚烈。土地神遂居最重。要位置。世界各處無不祀土地神。而亞刺伯人祀之尤虔。

(十六)禮儀——古代宗教之表示。大半為禮儀。此於社會經濟皆有影響。耕稼之民。於收穫之時宴祝。畜牧之民。則於

（十六）**宰乳之時宴祝**。野蠻人宴祝。每舉其獸性而不覺。例如塞米特族（Semitic）盛宴酬土地神時。男女亂交。反以為娛神。世界他處亦多如此。選妻結婚。皆賴此宴。宗教勢力瀰漫人類生活全體時。婚禮每帶有宗教意味。人初生。亦每有一種禮儀。但猶不如冠禮之重要。女子及笄亦有行禮者。青年自是始為族中成人。既為成人。始與族中之神發生關係。此種禮儀。以試驗其子之勇氣（於男子尤甚）並予以敬神之印像。一族秘密組織。有宗教（或魔術）意味之實蹟。為期頗久。

（十七）**禁忌**——野蠻人視神如電。一觸即發。發電之物若不安置安貼。則神威將自發洩而有害於人。因此禁忌滋生。各族不同。而莫不有之。禁忌在英文（Taboo）源出波里尼西亞語。西人研究禁忌之事。從此地起。禁忌所謂禍害。誠有純為幻想者。而於倫理之發展。確有重大影響。禁忌不特平時控制人類行動。即舉行宗教禮儀時。依然有勢力。惟與平日控制之道不同耳。

（十八）**圖騰主義**——所謂圖騰主義者。種族依圖騰（Totem）而分別之制度也。圖騰為一族或一家之徽號。通常以動物為之。亦有用植物者。研究圖騰主義始於美洲。圖騰之名即出自美洲印甸安語。有時圖騰直視如一族之祖。而與其所奉之神極有淵連。吾雖不斷言圖騰主義普遍世界。而文化低之民族大都。有之。古時文化高之國家似亦曾經過圖騰階級。

（未完）

●本刊分

●銷處

●本埠
中華書局
天聚福
慶隆齋
晉寶齋
中學校
師範學校
●包頭
聚英書局
●綏遠
中華書局
●西北各省區
西北各縣局
●甘肅蘭州
中華書局
●北京
北京大學出版部

北京師大販賣部
富文書店(青雲閣)
佩文齋(東安市場)
英華教育用品公司
餉華書局
●天津
法界世界圖書局
南開中學校
●開封
國民書社
●彰德
文化促進社
●上海
中華書局
有美堂
出版合作社
●南京
啓明書社
樂天書社
●江西

福民社書報部
●甯波
寧波書局
●蕪湖
科學圖書社
●武昌
漢口東壁圖書
●長沙
時中圖書館
共進書局
●長沙
文化圖書社
●常德
修業中學
●衡州
湖南省立第二師範學校
●廣州
中華書局
廣東大學售品部
●潮州
中華書局
丁卜圖書館
新亞公司
●雲南

中華民國十五年四月廿三日發行

第二卷 第十七號

版權所有

編輯者
發行者
印刷者
寄售處

張家口橋東大馬路
西北彙刊社
電話總局二二三六
西北彙刊發行所
張家口上堡市內路北
西北實業印刷局
電話分局二〇二
各埠大書局

◀費郵▶		◀目價報定▶			
歐美各國	本國及日本	全年五十二期	半年二十六期	每月四期	零售每期
每期四分	每期一分	大洋一元	大洋五角半	大洋一角	大洋三分

◀例刊告廣▶
久 登 面 議
每 期 半 面 八 元
底 頁 半 半 面 四 元

◀銷分待優▶
一、凡學校或團體或機關具有圖記來函訂閱五册以上者特別優待從廉
二、凡書局分銷十册以上及百册以上者另有簡章
郵票代價以一分爲限九五折加

察安日報

本報自改印大張以來銷行日增已印發一千五百餘分各處訂閱者尙絡繹不絕啟報爲仰副閱者雅意起見現擬加印副刊以白話論說通俗圖畫爲主倘承佳作見惠無任歡迎酬資從豐

西北民報

以啓發西北民智鼓吹國民革命爲宗旨消息靈通言論正確每日暫一張報費每月大洋三角外埠另加郵費一角五分通訊處綏遠包頭西關振業里西北民報社

道路月刊

十六卷二三號合刊要目
三月十五日出版

論道路之價值及日黃篤植
美立道路經濟之關係楊哲明
設書及計畫書葉恭綽
議通與教育譚祖康
交際都市之建設趙祖康
國去之東南陳詠仁
過學工科之概論吳承之譯
大疑土鋪料之概論楊得任
混市道鋪料之概論顧在堪譯
都安用築路法顧在堪譯
之新實園建築法顧在堪譯
最新公路近况顧在堪譯
各省要目繁多不能備錄
其餘要目繁多不能備錄
每月一册一角五分全年一元五角寄費在內郵票通用
五十餘人編著
實價四元寄費一角三分
洋裝一册平裝三册
發行所上海霞飛路中華全國
商務印書館均有代售
中華書局

教育與職業

社址上海西門外方斜路
革新情形

本雜誌自七十一期始放大版式內容除研究職業教育外兼及其有關係之社會及經濟各問題請專家分任著述每期有三十面都五六萬言較前約增一倍

優待讀者
爲優待讀者起見如訂全年十期每份仍連郵費祇收實銀一元惟另購改爲每期銀一角二分國外另加郵費每期銀四分郵票亦可通用

湖北財政月刊

第十八期出版

定價 每册四角全年四元
待優學生另有折扣
發行所 湖北財政廳月刊處
各大書店均有寄售

第十八期要目
國人對於經濟上應有之覺悟
(南夔) 中國幣制史論：續
(夏校) 評滙豐銀行：續(馬寅初) 中國現行關稅制度及其改正之方法(盛俊) 銀行救國論：續(李萬里) 中國財政論(盧復) 中國之農業金融：續(南夔) 湖北財政專門學校秋季開學演說詞(盧復) 關稅定率條例 湖北省徵收過境銷場稅則 湘省軍財聯席會紀
其他法令公牘目錄繁多不及備載